

DISPUT

COMPOSET A NEVEZ

ENTRE

UR C'HEREER

HAC

UR BOTOER COAT.

Var un ton nevez.

Mar gallan gout ar feçon, e teuin da rima
 Eun disput a neve flam, d'en em divertissa,
 Savet entre ar C'hereer hac ar Botoer coat :
 Pa vent crog en eur boutail int daou pot dilicat.

O daou o deus prometet e nige digame,
 Goude formi eun disput excellent enrese ;
 Eun doucen vio fritet hac eun tam bara guen,
 Hac eur banne da effa en fin ar ganaouen.

Mar be glebiet an anchen ar bombard a zono,
 A zilao gant parfeti eun darn a resono,
 Vit ho lacat da zisput an eil oc'h e guile
 Ha neu pas rima netra nemert ar virione.

— Er gouan ec'h intentan, eme ar Botoer coat,
 E me a zen da viscan treid an dud dilicat,
 Ha te, Quereer infam, gant ta votou ler,
 A zigaç ar c'hlenvejo hac eun nombr a vizer.

— Eun tam eo istimet huelloc'h ma etat
 Evit n'en deo da hini, pot ar Botou coat.
 Ma rancse beajerien bale gant sorgello,
 E vent eun anter hirroc'h oc'h ober campagno.

— Evit prepari'n douar da lakat an trevat
 Eo eun dra necesser cavet eur botou coat,
 Ne voeler den o palat er parc gant botou ler
 Ha c'hoas e fell dit laret ne n'on get necesser.

— Goud a ran eo ar botou coat a gonserv ar yec'het
 Hac a brepar an douar evit lacat an ed,
 Evel ma c'her da redeç er parc gant o vejo
 E scanvoc'h ar botou ler evit eur sorgello.

563 B

a ?

— Pa deni an'erc'h, hac ar scorn, hac ar gouan calet,
E ranko ar C'hereer paca e vinaouet ;
Ha me doucho an arc'hant partout er marc'hajo,
Ha te a sello ouzin ha digor da c'heno.

— Pa erruo ar mis meurs, hac an neve amzer
Da visca an habijo brao hac ar botoer ler,
Neuze na vo istimet netra ar boto coat ;
Ur boto ler da vale a so traou dilicat.

— Alies e renq'es mont da dy ar c'hivijer
Ha na pe nemet tri scoet pe eun tri scoet anter,
Ha me laca assambles bete c'huec'h uguent scoet
Da brena ar c'hoat boto evit ar baysantet.

— Goel a ze dit, ma mignon, pa teus eur bern arc'hant ;
An neb o deus nebeutoc'h a vev honestamant.
Me a deb q'ic ha zouben, ma yod da greis-de :
Ordinal ec'h intentant ou bevet couls a te.

— Poent eo din finissa rac an nos a dosta,
Hac an hostis a jeno pa na effomp netra,
Hac a roi din hon c'honje, Coader a Q'ereer,
Da bartian deus he dy ha mont da gact ar guer.

— Ebars en hostaleri e vo rezonio,
Disput entre ar vignonet ha chass-bleo evecho ;
Ar c'hoste crea c'hone ebars en peb affer :
Mar q'eres ni a velo, eme ar C'hereer:

Goude leis cov e crogjont vel daou guy animet,
Ha stagan d'en em gannan evel tud malisset,
Q'en ha ranq'as an hostis q'emer e vas ribot,
Ha sq'ei voar zin discregui en sacon ma oant crog.

Goulenomp eur chopinat d'en em dispartia :
An hostis on servijo mar deuomp d'e bea,
Hac evomp pep a vanac'h e fia ar ganaouen ;
An oll a ranc caout boto pe vale dierc'hen.

An hini en eus rimet an disput dilicat
Savet entre eur C'hereer hac eur Botoer coat,
En eus gret meur a hini, e hano *Yan ar Goen*,
Hac a veler ordinal en fin ar ganaouen.



FIN.